



Fernand ETGEN
President vun der
Deputéiertechamber
19, um Krautmaart
L-1728 Lëtzebuerg

Lëtzebuerg, den 03/09/2020

Här President,

Sou wéi den Artikel 83 vun eisem Chambersreglement et virgesäit, bieden ech lech, dës parlamentaresch Fro un d'Ministère fir Energie, Wirtschaft & Ëmwelt, Klima an nohaltëg Entwécklung weiderzeleeden.

Wéi RTL.lu an engem Artikel vun haut beriicht, gouf den éischten a Lëtzebuerg hiergestalltene Satellit an de Weltall geschoss. Dësen Exploit ass fir d'Wirtschaftsplaz Lëtzebuerg sécherlech een Erfolleg a fir d'Regierung sécherlech erfreeslech, well d'Regierung sech am Koalitiounsaccord d'Förderung vum "secteur spatial luxembourgeois" virgehol huet. Allerdéngs sollt een dëse Wirtschaftszweig och aus dem Bléckwénkel vum Klimaschutz betrueden. Wann ee verschidden Ziffere vergläicht, da sinn d'Zäregaser, déi esou eng Rakét beim Start ausstéisst, beträchtlech. D'Firma SpaceX gëtt zum Beispill un, datt eleng beim Start vun enger Rakét ronn 336'500 Kilogramm CO₂ ausgestouss ginn. Am Vergläich: een Dieselauto, deen 6 Liter op 100 Kilometer verbraucht, stéisst op 15'000 Kilometer – also ronn engem Joer Fueren – ronn 3'000 Kilogramm aus.

An deem Zesammenhang wéilt ech de Ministeren dës Froe stellen:

1. Gëtt den CO₂-Ausstouss, dee beim Start vu Rakéiten, déi zu Lëtzebuerg entwéckelt an zesummegebaut ginn, an déi lëtzebuergesch CO₂-Bilanz matagerechent?
2. Wéi gedenken d'Ministeren d'Förderung vu Weltraumprojeten, déi aktuell ouni fossil Energien net maachbar sinn, mat engem effikasse Klimaschutz an der Reduzéierung vun de CO₂-Emissiounen ze verbannen?

Mat déiwem Respekt,

GOERGEN Marc
Député



www.piraten.lu